



Inatsisartunut ilaasortaq,
Sofia Geisler, Inuit Ataqatigiit
/ Maani

Nuup eqqaani qaleralinniarneq pillugu § 37 naapertorlugu apeqqummut nr. 134 / 2019-mut akissut

Ulloq: 18-03-2019
Suliap nr.: 2019 - 6787
All. nr.: 10335649

Inatsisartut suleriaasianni § 37, imm. 1 naapertorlugu *Nuup eqqaanni qaleralinniarneq* pillugu Naalakkersuisunit apeqquteqarputit. Apeqqutit suliassaqarfigisannit akineqartus-sanngorlugit innersuunneqarput.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqut 1:

Naalakkersuisut ilisimatitsissutigisinnaavaat killilersorneqanngitsumik Nuup eqqani qaleralinniarneq aalisakkat taakku angissusaannut qanoq sunniuteqarsimansoq, piffissami 2010-miit ullumikkumut?

Akissut: Qalerallit Nuummut tulaanneqartartut agguaqatigiissillugu angissusaat 2010-mi 56 cm-init 2017 aamma 2018-imi 48 cm-inut milleriarsimapput. Milleriaatsit aalisakkat ataasiakkaat oqimaassusaat aallaavigalugit 1,5 kg-init 900 gram missaanut oqilerarsimapput.

Apeqqut 2.

Naalakkersuisut ilisimatitsissutigisinnaavaat pisarineqartut amerliartornerat ilutigalugu Nuup eqqani qalerallit angissusaat milliartorsimansoq, piffissami 2010-miit ullumikkumut?

Akissut: 2010-mit 2018-imut ukiumut agguaqatigiissillugit tulaanneqartartut 810 tonsiupput. 1960-imit agguaqatigiissillugit pisarineqartarsimasut taakku marloriaatigingajappaat 1988-imilu Nuummi qaleralinniarnermi pisarineqartartut annertoqatigingajallugit, ukiut 20-t ingerlaneranni Nuup eqqaa qaleraleerutingajassimavoq. 1989-imit 2009-mut ukiumut pisarineqartartut agguaqatigiissillugu 50 tonsit missaannaanniissimapput, 2013-illi kingorna Nuup eqqaani kangerlunni pisarineqartartut ukiumut agguaqatigiissillugit 1100 tonsinit amerlanerusimallutik. Tamatuma kingunerisaanik 2010-mit aalisarnek anner-tuallaarsimasutut oqaatigineqarsinnaagunarpog, tamatumalu kingunerisaanik aalisak-kallu angisuut pisarineqareersimalernerisa kingunerisaanik aalisakkat agguaqati-giissillugu angissusaat appariarsimallutik.

Apeqqut 3

Naalakkersuisut nalilerpaat Nuup eqqani qaleralinniarneq piujuaannartitsinissaq tunngavigalugu ingerlanneqarnersoq?

Akissut: Piffimmi pineqartumi qaleralinniarnerup illersorneqarsinnaasumik annertussuse-qalernissaa Naalakkersuisunit sulissutigalugu aallartinneqareerpoq. Aqutsiveqarfimmik nutaamik pilersitsinikkut Nuup kangerluani qaleralinniarneq aaqqiiffiniarneqassaaq.

Aalisarnerup siunissami piujuaannartitsineq tunngavigalugu ingerlanneqarnissaa suli-
niutit aqcutigalugit qulakkeerniarneqassaaq.

Apeqquut 4

**Nuup eqqaani qaleralinniarnermi pisassiissutit aallaavigalugit aalisarnerup ingerla-
tilernissaanut Naalakkersuisut ulluleereerpat?**

Akissut: Naamik.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq

INUIT ATAQATIGIIT

Inatsisartuni



6. marts 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

1. Naalakkersuisut ilisimatitsissutigisinnaavaat killilersorneqanngitsumik Nuup eqqani qaleralinniarneq aalisakkat taakku angissusaannut qanoq sunniuteqarsimanersoq, piffissami 2010-miit ullumikkumut?
2. Naalakkersuisut ilisimatitsissutigisinnaavaat pisarineqartut amerliartornerat iluatigalugu Nuup eqqani qalerallit angissusaat milliartorsimanersoq, piffissami 2010-miit ullumikkumut?
3. Naalakkersuisut nalilerpaat Nuup eqqani qaleralinniarneq piujuaannartitsinissaq tunngavigalugu ingerlanneqarnersoq?
4. Nuup eqqaani qaleralinniarnermi pisassiissutit aallaavigalugit aalisarnerup ingerlatilernissaanut Naalakkersuisut ulluleereerpat?

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Qulaani apeqqutigineqartut tassaapput malitseqartitsilluni apeqqutit, aallaavigineqarluni §37 naapertorlugu apeqqutit akissutaanni nr. 102_2019, imm. 3.

Kissaatigivara apeqqutikka ullut suliffiusut qulit qaangiutinnginneranni akineqarnissaat.